

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registровано kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač
DOP	5 01

Strana:
1 od 1

Broj protokola:

05-1-25-1-1170-21/25

JAVNO

DATUM: 21.07.2025. god.**PRIMALAC:** TTU ENERGETIK d.o.o. Tuzla
MIBO KOMUNIKACIJE d.o.o. Sarajevo
ELKO d.o.o. Istočno Sarajevo
ENEROINVEST-SUE d.d. Sarajevo
DELING d.o.o. Tuzla
IVL d.o.o. Tuzla**PREDMET:** Obavijest o izboru ponuđača u postupku nabavke: Zamjena razvodnog ormara
kompenzacije u staroj trafostanici**VEZA:**

Poštovani,

Na osnovu člana 71. Zakona o javnim nabavkama ("Sl. glasnik BiH", br. 39/2014, 59/2022 i 50/2024), obavještavamo vas da je, nakon okončane procedure prikupljanja ponuda za nabavku: Zamjena razvodnog ormara kompenzacije u staroj trafostanici, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda ENEROINVEST-SUE d.d. Sarajevo.

S poštovanjem,

v.d. DIREKTOR-a



Sanin Ramezić

DOSTAVLJENO:

1. Ponuđaču/ima
2. Upravi Društva
3. Sektoru za administrativnu podršku
4. a/a



INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opc@sarajevo-airport.ba
WEB	www.sarajevo-airport.ba	/	/



UPRAVA

Strana: 1 od 3

Broj protokola:

05-1-25-1-1170-20/25

JAVNO

Datum: 18.07.2025. godine

Na osnovu člana 70., a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 48. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke Komisije za provođenje postupka javne nabavke robe: Zamjena razvodnog ormara kompenzacije u staroj trafostanici, broj: 05-3-25-1-1170-19/25 od 11.07.2025. god., Uprava J.P. Međunarodni aerodrom "SARAJEVO" d.o.o. Sarajevo na svojoj 44. sjednici održanoj dana 18.07.2025. god. donosi

ODLUKU

I

Za nabavku robe: Zamjena razvodnog ormara kompenzacije u staroj trafostanici, prihvata se ponuda ponuđača **ENERGOINVEST-SUE d.d. Sarajevo**, zavedena na protokol J.P. Međunarodni aerodrom "SARAJEVO" d.o.o. Sarajevo dana 25.06.2025. god., pod brojem: 06-1-25-1-1170-9/25, koji je, nakon provedene e-aukcije, ponudio najnižu cijenu za predmetnu nabavku u iznosu od: 33.100,00 KM, bez PDV-a.

II

Izabrani ponuđač je, u roku od sedam radnih dana od dana prijema Obavijesti i ove Odluke o izboru najpovoljnije ponude, dužan u J.P. Međunarodni aerodrom "SARAJEVO" d.o.o. Sarajevo dostaviti:

- originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude;
- novi originalan, popunjen, potpisan i ovjeren Obrazac za cijenu ponude, sa cijenama usklađenim sa konačnom cijenom iz održane e-aukcije.

III

Po proteku rokova za reviziju, uz prethodnu dostavu dokumentacije iz tačke II, Naručilac će izabranom ponuđaču ponuditi zaključenje ugovora o nabavci iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Zamjena razvodnog ormara kompenzacije u staroj trafostanici, v.d. direktora J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-3-25-1-1170-3/25 od 02.06.2025. god. U skladu sa naprijed navedenom Odlukom, J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) je na portalu javnih nabavki dana 05.06.2025. godine objavilo obavještenje o nabavci, broj: 246-7-1-381-3-117/25, a dana 13.06.2025. godine i Ispravku obavještenja broj: 246-7-1-381-8-124/25. V.d. direktora Društva, Rješenjem, broj: 05-1-25-1-1170-5/25 od 10.06.2025. god., imenovao je Komisiju za provođenje postupka.

Do ostavljenog roka za predaju ponuda, 26.06.2025. god., do 12,00 sati, na adresu Društva ponudu je dostavilo šest ponuđača, i to: TTU ENERGETIK d.o.o. Tuzla, MIBO KOMUNIKACIJE d.o.o. Sarajevo, ELKO d.o.o. Istočno Sarajevo, ENEROINVEST-SUE d.d. Sarajevo, DELING d.o.o. Tuzla i IVL d.o.o. Tuzla. Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene, koje su iznosile kako slijedi.

TTU ENERGETIK d.o.o. Tuzla – 36.000,00 KM, bez PDV-a

MIBO KOMUNIKACIJE d.o.o. Sarajevo – 49.783,00 KM, bez PDV-a

ELKO d.o.o. Istočno Sarajevo – 35.930,00 KM, bez PDV-a

ENEROINVEST-SUE d.d. Sarajevo – 36.000,00 KM, bez PDV-a

DELING d.o.o. Tuzla – 35.999,00 KM, bez PDV-a i

IVL d.o.o. Tuzla – 36.000,00 KM, bez PDV-a.

Nakon javnog otvaranja, Komisija se sastala radi detaljne analize ponuda, te konstatovala sljedeće:

1. TTU ENERGETIK d.o.o. Tuzla

Nakon pregleda ponude u skladu sa članom 65. stav (1) Zakona o javnim nabavkama, a imajući u vidu da ponuda ispunjava zahtijevano tenderskom dokumentacijom, Komisija je istu ocijenila formalno-pravno, tehnički i računski prihvatljivom.

2. MIBO KOMUNIKACIJE d.o.o. Sarajevo

Komisija u predmetnom postupku nabavke je izvršila računsku kontrolu ponude i utvrdila da ista iznosi 49.783,00 KM bez PDV-a, kao što je ponuđač i naveo u ANEKS-u III – Obrazac za cijenu ponude, što značajno prelazi planirana i obezbijeđena novčana sredstva Ugovornog organa za predmetnu nabavku, koja iznose 36.000,00 KM bez PDV-a.

U skladu sa članom 2. stav (1) tačka I) Zakona o javnim nabavkama, Komisija je ovu ponudu ocijenila neprihvatljivom jer cijena prelazi planirana, odnosno obezbijeđena sredstva ugovornog organa.

3. ELKO d.o.o. Istočno Sarajevo

Prilikom detaljnog pregleda ponude, Komisija je konstatovala da ponuđač nije pripremio ponudu u skladu sa tenderskom dokumentacijom. Naime, uvidom u dostavljenu tehničku dokumentaciju utvrđeno je da ponuda ne ispunjava tehničke zahtjeve definisane u ANEKS-u VI – Tehnička specifikacija, i to u sljedećim stavkama:

- *Samostojeći metalni ormar sa vratima koja se mogu zaključati i donjim otvorom za kablove stepena zaštite minimalno IP31* – u tehničkoj dokumentaciji nema podataka o traženom;
- *Otpornost na spoljne mehaničke utjecaje minimalno IK10 u skladu sa važećim standardima* – u tehničkoj dokumentaciji nema podataka o traženom;
- *Uređaj treba biti opremljen odgovarajućim sistemom za ventilaciju* – u tehničkoj dokumentaciji nema podataka o traženom;
- *Uređaj treba biti dizajniran za specifične uslove ambijentalne temperature u opsegu od najmanje od -5 do 45°C i najmanjem opsegu vlažnosti od 0 do 95°C* – u tehničkoj dokumentaciji nema podataka o traženom;
- *Zaštitni prekidači u skladu sa karakteristikama kondenzatorskih baterija* – u dostavljenoj tehničkoj dokumentaciji nema zaštitnog prekidača za baterije od 50kVar;
- *Kontakteri trebaju biti namijenjeni za uklapanje kondenzatorskih baterija (kategorija AC-6B) minimalnog radnog napona 690V sa projektovanih minimalno 200.000 uklapanja i minimalno 200 uklapanja na sat...* – ponuđeni kontakteri sa 100.000 uklapanja;
- *Trofazne kondenzatorske baterije trebaju biti dimenzionirani prema traženim stepenima kompenzacije i dizajnirani za teške uslove rada sa do 20% THD, minimalnog nominalnog napona 480VAC, trajno podesive struja 1,8xIn, sa gubicima snage do 0,5 W/kVar, tolerancijom kapaciteta do 10% i testnim naponom 3kV u trajanju od 10s između stezaljki i kućišta. Projektovani životni vijek baterija treba biti minimalno 130.000h sa minimalno 7.000 uključenja godišnje* – u tehničkoj dokumentaciji nema podataka za trajno podnosive struje, gubitke snage, tolerancije kapaciteta, testnog napona, projektovanog životnog vijeka i minimalnog broja uključenja godišnje;
- *Filteri za potiskivanje visokofrekventnih smetnji trebaju biti dimenzionirani prema traženim stepenima kompenzacije... i minimalnom klasom izolacije H i testnim naponom dielektrika 4kV/50Hz/60s* – testni napon dielektrika ponuđenog filtera je 3 kV;
- *Zaštitni prekidač baterija trolpolni, 50 Hz, AC, kategorije A sa termalno-magnetnim okidačem, nazivni impulsni podnosivi napon 8 kV, mehanička izdržljivost minimalno 12.000 operacija, termička zaštita podesiva u opsegu 0,7-1 In, radni uslovi od -25 do 70°C* – u tehničkoj dokumentaciji nema podataka za nazivni impulsni podnosivi napon, mehaničku izdržljivost, minimalnim brojem operacija kao i da li ima podešavanje termičke zaštite.

Imajući u vidu iznad navedeno, a na osnovu člana 2. stav (1) tačka I) i člana 68. stav (4) tačka i) Zakona o javnim nabavkama BiH, Komisija je ovu ponudu cijenila nepravilnom.

4. ENERGOINVEST SUE d.d. Sarajevo

Nakon pregleda ponude u skladu sa članom 65. stav (1), a imajući u vidu da ponuda ispunjava zahtijevano tenderskom dokumentacijom, komisija je istu ocijenila formalno-pravno, tehnički i računski prihvatljivom.

5. DELING d.o.o. Tuzla

Prilikom detaljnog pregleda ponude, komisija je konstatovala da ponuđač nije pripremio ponudu u skladu sa tenderskom dokumentacijom. Naime, uvidom u dostavljenu tehničku dokumentaciju utvrđeno je da ponuda ne ispunjava tehničke zahtjeve definisane u ANEKS-u VI – Tehnička specifikacija, i to u sljedećim stavkama:

- *Samostojeći metalni ormar sa vratima koja se mogu zaključati i donjim otvorom za kablove stepena zaštite minimalno IP31* – ponuđeni stepen zaštite je IP4X;
- *Otpornost na spoljne mehaničke utjecaje minimalno IK10 u skladu sa važećim standardima* – u tehničkoj dokumentaciji nema podataka o traženom;

Imajući u vidu iznad navedeno, a na osnovu člana 2. stav (1) tačka I) i člana 68. stav (4) tačka i) Zakona o javnim nabavkama, Komisija je istu cijenila nepravilnom.

6. IVL d.o.o. Tuzla

Prilikom detaljnog pregleda ponude, komisija je konstatovala da ponuđač nije pripremio ponudu u skladu sa odredbama tenderske dokumentacije. Naime, analizom ispunjenosti uslova iz tačke h) tenderske dokumentacije, koji glasi:

„Potvrda o dobro izvršenom poslu isporuke i ugradnje razvodnih ormara, izdata od druge ugovorne strane, kojom se potvrđuje da je u posljednje tri godine, počevši od dana dostavljanja ponude, ponuđač uspješno realizovao jedan takav ugovor ukupne vrijednosti ne manje od 36.000,00 KM bez PDV-a...”

Ponuđač je dostavio sljedeće:

1. Potvrdu ALPRO a.d. Vlasenica – kojom se potvrđuje realizacija dva odvojena ugovora ukupne vrijednosti 25.965,00 KM bez PDV-a. Iako se potvrdom potvrđuje uredno izvršenje, ona se odnosi na više ugovora, a ne na jedan ugovor kako je to izričito zahtijevano tenderskom dokumentacijom. Također, zbirna vrijednost je manja od 36.000,00 KM.

Vrsta dok.	Izdavač
ODL	5-01
Strana: 3 od 3	
JAVNO	

2. Potvrdu MJ-ZEMLJOKOP-INŽENJERING d.o.o. Istočna Ilidža – koja se odnosi na jedan ugovor, ali ukupne vrijednosti 11.540,00 KM bez PDV-a, što je također ispod traženog minimuma.

3. Spisak realizovanih ugovora (stranica 16 ponude) – koji predstavlja zbir iznad navedenih ugovora u ukupnom iznosu od 37.505,00 KM bez PDV-a.

Na osnovu navedenog, Komisija konstatuje da ponuđač nije dostavio potvrdu o realizaciji jednog ugovora u vrijednosti ne manjoj od 36.000,00 KM bez PDV-a, kako je to propisano tenderskom dokumentacijom.

Dalje, uvidom u dostavljenu tehničku dokumentaciju utvrđeno je da ponuda ne ispunjava tehničke zahtjeve definisane u ANEKS-u VI – Tehnička specifikacija, i to u stavci:

- *Filteri za potiskivanje visokofrekventnih smetnji trebaju biti dimenzionirani prema traženim stepenima kompenzacije... i minimalnom klasom izolacije H i testnim naponom dielektrika 4kV/50Hz/60s – testni napon dielektrika ponuđenog filtera je 3 kV;*

Imajući u vidu sve navedeno, a na osnovu člana 2. stav (1) tačka I) i člana 68. stav (4) tačka i) Zakona o javnim nabavkama BiH, Komisija je istu ocijenila nepravilnom i neprihvatljivom.

Nakon prethodnog utvrđivanja formalno-pravne, tehničke i računске ispravnosti, prema ponuđenim cijenama je formirana Rang lista prihvatljivih ponuda prije provođenja e-aukcije, i to kako slijedi:

1. TTU ENERGETIK d.o.o. Tuzla, vrijednost ponude u iznosu od 36.000,00 KM bez PDV-a,

2. ENERGOINVEST SUE d.d. Sarajevo, vrijednost ponude u iznosu od 36.000,00 KM bez PDV-a.

Za predmetnu javnu nabavku bila je predviđena e-aukcija, te je ista zakazana i održana, i to 10.07.2025. godine. Nakon okončane e-aukcije, utvrđene su konačne ponuđene cijene, prema kojima je utvrđena i konačna Rang lista, i to kako slijedi:

1. ENERGOINVEST SUE d.d. Sarajevo, vrijednost ponude u iznosu od 33.100,00 KM bez PDV-a,

2. TTU ENERGETIK d.o.o. Tuzla, vrijednost ponude u iznosu od 33.199,90 KM bez PDV-a.

S obzirom na naprijed navedeno, Komisija je utvrdila da je najpovoljnija ponuda ponuđača ENERGOINVEST-SUE d.d. Sarajevo, koji je nakon održane e-aukcije ponudio najnižu cijenu za predmetnu nabavku, te je predložila Upravi Društva da se ugovor u ponuđenoj vrijednosti nakon e-aukcije od 33.100,00 KM bez PDV-a, dodijeli ovom ponuđaču.

Uprava je razmotrila Izvještaj i preporuku Komisije, te je, nakon uvida u provedeni postupak, istu i prihvatila, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.



Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.)
 - Služba za pravne poslove i protokol
4. Sektoru razvoja, tehnike i standardizacije
5. a/a